

上饒縣志卷十八

封爵志 府封爵代錄

封建既廢復興封爵帶礪是盟邦國相錯或無分土惟榮其名載稽往哲亦著徽稱古制川昭人地必錄茲土所傳尚論攸屬志封爵

廣信府

東漢

餘汗侯陳靖人物志餘汗人憤王莽篡漢招集義兵赴王常署為典軍校尉御戢有方常見光武首言靖功授散騎常

上饒縣志

封爵

卷十八

侍封餘汗侯

府志

漢書地理志鄱陽郡

府志

按沿革表今弋陽貴溪上饒三縣地屬餘汗

府志

按郡邑古今異名古有而今泐者悉為淫泆若猶然在人耳目無事更注後徽此

府志

晉

廣信侯戴遂見謝安傳後始從元征伐者何謙戴遂並驍果

多權畧遂以軍功封廣信侯

府志

按今廣信府建自有明漢時為餘汗葛陽地而史册自

晉以後封廣信侯者不一未詳何屬

府志

按府志錄晉鄱陽縣侯孟懷玉劉宋鄱陽縣侯劉劭其按語云晉鄱陽爲郡葛陽晉興屬今上饒貴溪地此云鄱陽縣未詳不知鄱陽縣置自秦曰番陽漢曰鄱陽後漢建安十六年吳分豫章置鄱陽郡領縣九鄱陽廣昌樂安餘汗鄆陽歷陵葛陽上饒建平也沈約宋書州郡志郡始立治鄱陽赤烏八年徙治吳芮故城晉初移治廣晉沈志廣晉吳立曰廣昌晉武帝太康元年更名曰廣晉時鄱陽縣爲郡屬縣東晉郡領縣八廣晉鄱陽樂

上饒縣志

封爵

卷十八

二

安餘汗鄆陽歷陵葛陽晉興無上饒與建平蕭齊復移郡來治鄱陽縣迄今不改沈志稱太康地志鄱陽郡有上饒王隱地道無宋書虞邱進傳盧循遣將英糾爲上饒今千餘人守故城蓋上饒江左已省僅存故城循特權時立令府志按云葛陽晉興屬上饒貴溪地固是其錄鄱陽縣侯且云鄱陽縣未詳坐未考自秦迄漢晉後皆有鄱陽縣耳孟劉二人係專封鄱陽縣侯非郡侯也信地晉劉宋時屬鄱陽郡既指爲葛陽晉興地則與鄱陽縣無涉不應混列孟劉於府封爵志內茲據本

朝洪亮吉補三國置域志東晉置域志乾隆府州廳縣
置域圖志諸書詳考刪去至劉宋南齊蕭梁陳之有郡
陽王鄱陽郡公鄱陽郡王係以郡封仍之

劉宋

鄱陽王劉休業宋書孝宗本紀文帝第十五子孝建二年秋
七月立皇弟休業為鄱陽王食邑二千戶三年閏三月癸
酉薨謚哀王冬十月丁巳以山陽王休祐子士宏繼嗣士

宏被廢國除

府志

南齊

上饒縣志 卷十八

封爵

三

鄱陽王蕭鏘齊書本傳太祖第七子建元元年封鄱陽王邑
二千戶延興元年為高宗所殺

府志

鄱陽王蕭寶寅明七王傳明帝第六子建武初封建安郡王
宣德太后臨朝改封鄱陽王中興二年謀反奔魏

府志

鄱陽郡公陳顯達齊書本傳南彭城人從太祖討桂陽賊於
新亭事平封豐城縣侯邑千戶太祖即位增邑千六百戶
延興元年增邑千戶高宗即位改封鄱陽郡公邑三千戶

永元元年反誅國除

府志

餘汗縣男茹法珍東昏紀崔慧景平封餘汗縣男東昏被殺

珍與梅蟲兒王暄之等並伏誅國除

府志

晉書地理志漢餘汗屬鄱陽郡按已見餘汗侯陳靖

府志

蕭梁

鄱陽郡王蕭恢梁書本傳太祖第九子天監元年封鄱陽郡

王邑二千戶普通七年九月乙酉薨贈侍中司徒諡曰忠

烈子範嗣卒子嗣嗣侯景之亂賊將任約來攻中流矢死

府志

餘汗縣侯陸襄梁書本傳吳郡人世祖以建義功追封餘汗

縣侯邑五百戶太清二年卒侯景平追贈侍中雲麾將軍

上饒縣志

封爵卷十八

四

府志

餘汗縣男劉孝慶人物志餘汗人太清中湘東王繹起兵討

侯景慶率土人應之有功封餘汗縣男

府志

按侯景以武帝太清三年三月寇沒京師四月太子舍

人蕭歆至江陵宣密詔元帝始承制起兵討景志作大

通中者誤今從史改正

府志

陳

鄱陽郡王陳伯山世祖本紀天嘉元年七月立皇子伯山為

鄱陽郡王九王傳正明三年正月薨子君範入隋

府志

唐

信王李愐十一宗諸子列傳愐宗子咸通八年薨無嗣府志

元和郡縣志信州管縣五府志

信王李繼先見宗室表府志

信王李沔元宗本紀開元二十一年九月封子沔為信王府志

按豫章書信王李瑄其始封月日無考惟代宗本紀載

大歷九年十月信王瑄薨疑即沔之嗣王也郭表以為

元宗子未詳何據府志

信王李愐憲宗子懿宗本紀咸通元年七月封叔愐為信王

上饒縣志封爵
卷十八

五

八年十二月薨府志

南唐

信王李景達先王第四子馬令南唐書先王受禪封信王後

王嗣位卒於撫州諡昭孝府志

宋

信王趙世開宗室傳從誨子神宗熙寧中薨贈開府儀同三

司追封信王諡獻敏世雄嗣東都事畧薨贈淄王諡曰恭

惠府志

宋史志江西路府志

信王趙宗紹贈太師諡康府志

信國公趙叔蹤諡榮敏嗣克顓諡靖惠府志

信國公趙元祐真宗本紀咸平五年十一月丁未封子元祐

為信國公東都事畧生九年而薨追封周王諡曰悼府志

信王趙祉東都事畧真宗子早薨徽宗追賜名贈信王府志

信王趙榛宗室傳徽宗第十八子靖康元年封信王從淵聖

北行亡匿真定境中遣馬廣奏請援兵廣受汪黃指援兵

不進為金兵所陷榛亡不知所終府志

按高宗本紀時建炎二年九月也府志

上饒縣志 卷十八

六

信王趙璩宗室傳藝祖七世孫子彥之子也以宗室子被選

入宮累封至延平郡王高宗崩奔赴得疾而薨追封信王

府志

信王趙昺昺進封信王加食邑一千戶德祐二年三月升封

廣王景炎二年四月昺殂陸秀夫復立昺為皇改元祥興

二年二月次厓山陸秀夫抱帝投海府志

信王夏協林志宜春人成恭皇后父以后貴追封信王府志

按夏后傳后入宮久之父居益困卒於袁州僧舍號夏

翁府志

信國公朱熹理宗本紀寶慶三年正月詔朕觀朱熹集註大學論語孟子中庸發揮聖賢蘊奧有補治道朕勵志講學緬懷典型可特贈太師追封信國公府志

信國公陳康伯宋史本傳弋陽人孝宗卽位封信國公乾道元年卒贈太師諡文恭慶元初改諡文正府志

信國公文天祥宋史本傳吉水人益王立加少保信國公至元十九年死於燕市府志

明

廣信王朱厚燦大志莊王第五子嘉靖二十二年封四十年

上饒縣志 卷十八

薨府志

嘉靖通志元信州路明改爲府府志

信國公徐達濠人名山藏太祖爲吳王時以大將軍生致張士誠封明書本傳洪武三年大封功臣進封魏國公十六年卒追封中山王諡武寧贈其三世皆王爵府志

信國公湯和明書本傳濠人初封中山侯洪武十一年春進封信國公食祿三千石二十八年卒追封東甌王諡襄武府志

上饒縣

劉宋

葛陽縣男黃回宋書本傳竟陵人泰始二年以破杜叔寶功

封葛陽縣男食邑二百戶府志

晉書地理志屬鄱陽郡府志

按卽今上饒縣府志

葛陽縣男彭文之見黃回傳太山人以討建平王景素功封

葛陽縣男食邑三百戶順帝本紀昇明二年四月有罪賜

死國除府志

上饒縣男張靈符見鄧琰傳後以東西征討功封上饒縣男

上饒縣志封爵卷十八

食邑三百戶府志

郡縣釋名漢豫章鄱陽地今屬廣信府府志

陳

上饒縣侯陳昺見陳擬傳高祖從子永定元年例封邑五百

戶府志

郡縣釋名吳置縣屬廣信府府志

南唐

上饒郡公李景遜唐餘紀傳昇元元年十一月封姪景遜爲

上饒郡公府志

元和郡縣志屬信州府志

宋

上饒侯汪應辰宋史本傳玉山人高宗朝仕至端明殿學士
封玉山伯進爵上饒侯諡文定府志

按唐世徵官爵辨疑謂汪文定才名科第與立朝大節
詳蘇天爵李奎周日甲諸記記中所載官爵為宋紹興
五年狀元官至端明殿學士封玉山伯進爵上饒侯而
舊志人物志傳止云中進士第一人以議論忤秦檜歷
學省連鎮閩蜀召還為侍從以端明學士終於祠宮諡

上饒縣志

封爵
卷十八

九

文定不見所為封伯進爵為侯者及世徵纂修新志缺
得文定紹興三十二年誥身一軸似是宋高宗手書璽
文班駁墨光研然中載文定公左朝請郎權尚書戶部
侍郎兼權國子祭酒特封玉山縣開國男食邑三百戶
賜紫金魚袋誥詞甚明與諸記所載封玉山伯進爵上
饒侯之說不合豈前止封男而後進封侯爵耶且誥稱
文定理財以義足國富民等語皆屬戶曹實蹟親沐王
言記傳序皆缺載何也今考宋史本傳補入諸記所載
實本史冊世徵當日乃未嘗一緡閱耶踈漏甚矣府志

明

上饒王朱厚燿大志莊王第三子嘉靖十九年封萬歷二十

年薨諡恭惠子載塢嗣府志

附論

竊惟封爵之制所以篤親親勳而褒賢也古爵五等初無王封民無二王之義也至漢始制為王與侯之二等皇子之封為王者其實古諸侯也故謂之諸侯王其王子弟封為侯者謂之諸侯羣臣異姓以功封者謂之徹侯古分土而無分民自漢始分民而諸王國皆連城數

上饒縣志

封爵卷十八

十

十踰於古制洎魏及晉始有王公侯伯子男六等而其間又有鄉公縣侯鄉侯亭侯亭伯之差嗣是遞因其制而稱名或異至唐則有國王郡王國公郡公及開國公侯伯子男之號而其間不獨王其所親以異姓而為王者凡百一十二人宋惟懿親封王而佐命元勳及中興大功之錫以王號者前後不過數人其餘武功則封典多闕而文臣至宰輔皆封國公則名器獨重焉迄明則分王諸子各據大地致有分封大侈之議而異姓之以功封公侯伯及進而王者亦復不少夫強盛則猜嫌易

啟貴寵則覲觐易生其勢然也而所以富之貴之者至
欲保其富貴而不得蓋觀於前代之故其垂爲炯戒有
不一而足者是惟予以尊位重祿之封而不世其君國
子民之地斯爲與國屢休於勿替乎今

聖朝誼美恩明法良制善封爵之典所以崇夫勲戚者無不
仁至而義盡誠垂萬世以無弊之規而被六合以無疆
之福者也茲且觀曩代之以親封王以功封五等爵於
信郡及上饒邑者故自不乏而爵土旣多不保卽名氏
亦鮮知而道之而在宋追封信國公者厥有朱子及陳

上饒縣志

封爵
卷十八

十一

康伯文天祥其封上饒侯者有汪應辰之數人者或生
於其鄉或遊於其地而爵歸然獨存豈不以其賢哉至
如朱文公則更上膺崇祀尊稱曰子於以見

盛世褒賈之典且有加隆於封爵之上者而昔日國封之所
繫其足增重於是邦者爲何如也